

Benteng pecah, uzur dibaiki

Persediaan kerajaan negeri hadapi ulangan fenomena air laut pasang besar

■ MOHD FAHMI ISMAIL

KLANG - Kerajaan negeri bersiap sedia menghadapi fenomena air laut pasang besar yang dijangka melanda semula pada pertengahan Oktober depan.

Menteri Besar, Datuk Seri Mohamed Azmin Ali mengarahkan agensi terbabit dan Jabatan Pengairan dan Saliran (JPS) negeri untuk memperbaiki benteng yang pecah dan uzur, khususnya di kawasan yang berkemungkinan berlaku banjir kilat.

“Mengikut ramalan kaji cuaca, insiden sama akan berlaku lagi pada pertengahan Oktober dan disusuli November serta Disember.

“Semua agensi dan JPS perlu memperbaiki benteng yang lemah supaya tidak ada lagi masalah benteng atau ban pecah masa akan datang,” katanya ketika melawat mangsa banjir di Dewan Orang Ramai Kampung Tok Muda, di sini semalam.

Hadir sama, Exco Kesihatan, Kebajikan, Hal Ehwal Wanita dan



Azmin bersama Daroyah ketika diberi taklimat mangsa banjir di Dewan Orang Ramai Kampung Tok Muda, semalam.

Keluarga, Dr Daroyah Alwi.

Terdahulu, menteri besar menziarahi keluarga arwah Azahari Sairin,

Setiausaha Majlis Daerah Kuala Selangor yang meninggal dunia, malam kelmarin.



Azmin meninjau keadaan mangsa banjir di pusat pemindahan tersebut, semalam.

“Sumbangan arwah kepada pentadbiran negeri amat saya hargai. Semoga roh beliau dikurniakan

husnul khatimah dan ditempatkan di syurga yang penuh nikmat ALLAH. Al-Fatihah,” katanya.